

Ujaasineq



... sammisaq toqqaruk

Attaveqarfissat



# Imigassaq - meeqqat inuusuttullu

## PAASISSUTISSAT

Imigassaq Ikiaroonartullu pillugit Siunnersuisoqatigiit kaammattuutigaat meeqqat inuusuttullu 18-it inorlugit ukiullit imigassartunngilluinnassasut.

Inuusuttut 18-it inorlugit ukiullit imigassamik pisiffiginerat, tuniniaaffiginerat sassaalluteqarfiginerallu inerteqqutaavoq. Taamaakkaluartoq inuusuttut 18-it inorlugit ukiullit ilaat imigassartormik misile-raasarput.

Imigassap mianersuulluinnarnissaanut pissutissaqarluarpoq. Imigassap naliliisinnaassutsit appartittarpaa, aamma kingusinnerusukkut peqqissimissutigisannik aalakoortutit iliuuseqarsinnaavutit. Assersuutigalugu imigassartormi atoqateqarnissamut naaggaarnissat sapernartissinnaavat, ajutooriataarsinnaavutit imminulluunniit ajoquserlutilluunniit allanik ajoqusiisnaavutit. Siunissaq ungasinnerusoq eqqarsaatigalugu an-nertuumik imigassamik atuinerup timit ajoqusersinnaavaa.

Erngunneq imeriaasiuvoq ajoqusiinerpaasartoq. Erngunneq tassaavoq unnummi ataatsimi najoqqagassanik sisamanit amerlanerusunik imerneq.

## NEQEROORUT

Ilaasa imertarunnaarnissaq sapernartissinnaavaat. Imertarunnaarnissat sapernartikkukku pingaaruteqarpoq sapinngisamik piaarnerpaamik sullissisunnut saaffiginninnissat imaluunniit Allorfimmut, pinngitsuuisinnaan-nginninnut katsorsaasinnaasumut, attaveqarnissat. Ullumikkut innuttaasut 18-it sinnerlugit ukiullit kisimik katsorsarneqarsinnaapput. Allorfinnili

NASSIUSSIGIT



PDF-ILIARIUK



EMBED



innuttaasunut 18-it inorlugit ukiulinnut killilimmik neqerooruteqar-poq.

Kalaallit Nunaanni najugaqartut tamarmik akeqanngitsumik pinngitsuuisinnaannginnermut katsorsarneqar-sinnaapput.

Allorfik ugguuna attavigisinnaavat 52 53 43, piffissami 09:00-imiit 15:00-imut, imaluunniit mailikkut [allorfik@allorfik.gl](mailto:allorfik@allorfik.gl).

Illoqarfinni Allorfilinni (Qaqortumi, Nuummi, Sisimiuni Aasiaanni aamma Ilulissani) ornigullutit saaffiginnaavutit nal. 9-15.

Allorfiup nittartagaani paasisaqarnerusinnaavutit uani [www.allorfik.gl](http://www.allorfik.gl)

**MIO**

Takuuk [www.MIO.gl](http://www.MIO.gl)

1899 – SMS-ikkut siunnersorneqarneq

Nuna tamakkerlugu Meeqqanut Inuusuttunullu SMS-ikkut attavissaq akeqanngitsaq – inersimasumik siunnersuisinnaasumik allaqateqarit.

Ammasarpoq: Ataasinngorneq – tallimanngorneq 16 – 18

---

## NAMMINEQ QANOQ ILIUUSEQARSINNAAVUNGA

Inuusuttut ilaat, tamarmiunngitsulli, suli 18-inik ukioqalernatik imigassamik aalakoornartumik imilertarput. Eqqarsarnarsinnaavoq «kikkut tamarmik imertartutut», kisianni taamaattariaqanngilaq. 2014-imi meeqqat atuarianni misissuinerup (HBSC 2014) ersersippaa 16-inik ukiullit 74 procentii aalakuunngisaannarsimasut. Imaassinnaavoq misigisutit akuerineqarumallutit festernerimi imigassartortariaqarlutit. Ilumoortorli tassaa-voq amerlanerit imerpallaarsimangikkaluarlutik imerujussuarnerartartut.

Imernissamat tatineqarneq qanoq qaangissavara?

- Siullertut pingaarnertullu naaggaarnerup ajunngilluinnarnera eqqarsaatigissavat
- Ikinngutit ataaseq arlallilluunniit imerusunngitsut ililiutikkat. Arlaliugaanni naaggaarnissaq ajornannginne-rusarpoq
- Nammineq imeruarsaatit - sodavandimik juicemilluunniit - nassarit, taava imigassamik neqeroorfigine-qarnissat ilimanannginnerussaaq
- Festernerimi arlaannik sammisaqartuarit. Qitigit, angalaarit inuillu assigiinngitsut oqaloqatigalugit
- Sooq iminnginninnik aperineqaruit akissutissannik piareersaagit - «Sooq illit imerpit?» imaluunniit «Imersi-matillunga qisuariartaasera nuannarinnginnakku imernangalu iluarigakku»

Imigassartoruit aalakuulerlutillu pitsaassaaq angerlarninni kisimiillutit pisunnak angerlamut ikinngutit ingiaqatigigukkit. Immissinnut

paarillusilu ikioqatigiigitsi.

Imigassamik atuinerit aqussinnaajunnaarsorigukku pingaaruteqarpoq allanik tamanna pillugu oqaloqateqar-nissat. Pitsaassaaq inersimasumik tatigisannik oqaloqateqarnissat. Ilinniartitsisoq, perorsaasoq, angajoq-qaatit, peqqissaasoq, nakorsaqa kommunimiluunniit sullissisoq ikiorneqarnissamik pisariaqartitsininni ilinnik tapersersuisinnaasoq oqaloqatigisinnaavat.

---

## QANIGISAT:

Imigassap ajortumik sunniuteqartarneranut tunngatillugu inuusuttut qajannartuupput. Inuusuttut ilikkar-sinnaanerat, timikkut peqqissusaat inooqataaniarnikkullu pisinnaasat annikillisarput imigassamillu pinngi-tsuuisinnaajunnaarnissamut aarlerinartorsiornerat annertunerulluni. Inuusuttut aalakoortut ajutoornissaat, akerleriissuteqarnissaat, atuarfimmiit qimaanissaat kissaatiginngisaminnillu atoqateqarnissaat ilimanarne-rusarpoq.

Qitornap inuusuttuarangornera angajoqqaanut amerlanertigut unamminiarnartarpoq. Kisianni tamanna aamma qitornannut unamminarnarpoq. Angajoqqaatut qitornap aliikkutaqarnissaa ikinngutigilluakkanillu nuannisaqateqarnissaa kissaatigineqartarpoq, kisianni aamma qitornaq imigassap aanngajaarniutillu allat sunniutaannut ajortunut illersorusunneqartarpoq. Angajoqqaat amerlasuut misigisarput meeqqap piumasamisut iliortinnera asanninnermut isumassuiner-mullu takussutissaasoq. Imigassamulli tunngatillugu meeqqap ilitersorneqarluarnissani pisariaqartippaa.

Meeqqat imigassamut NAAGGAAQQULLUGU qanoq tapersersorsinnaaviuk:

- Meeqqat inuusuttullu 18-it inorlugit ukiullit imigassamik sassaalliuteqanngisaannarit
- Meeqqavit imigassamik iminnginnissaanik naatsorsuuteqarnerit ersersiguk
- Meeqqat imigassamik iminnginnissaanik isumaqatigiissuteqarfigiuk
- Meeqqatit najuutsillugit najoqqagassat ikittuinnaat imertakkit
- Illit allalluunniit aalakoornerat meeqqannut takutinngisaannaruk
- Imigassat angerlarsimaffissinni nuisateqinagit
- Meeqqat inuusuttullu imigassamik tuninngisaannarlugillu pitsinngisaannakkit
- Meeqqat imigassaq pillugu oqaloqatigiuk

Meeqqat imigassartaqanngitsumik ikinngutit qanoq nuannisaqatigineqarsinnaanerat pillugu oqaloqatigiuk. Eqqartorsiuk qanoq imigassaq pitsaasunik ikinngutitaarnissamut

peerartaarnissamullu periarfissanik akor-nusiisinnaasoq.

Amerlanertigut meeqqat inuusuttullu nalusarpaat:

- Inooqataaniarnikkut ajorsaarinerit inuusuttut akornanni amerlanertigut ingerlanneqartartut paasinissaan-nut imigassaq ajoqutaasartog

- Imigassaq peqqissimissutigisamik oqaaseqarnissamik iliuuseqarnissamillu ilimanarnerulersitsisartog

- Imigassaq nukissamik allanullu qanilaartuunissamik annikillsitsisartog

- Nuannaarnermi, timersornermi, nipilersuutininik tusarnaarnermi qitinnermilu qarasaq "aalakuulernartunik" endorfiniliortartog.

Tamanna aalakoornartup kingunipiluinit sunnersisimanani aalakoornermut assersuunneqarsinnaavoq.

Imernerup nuannernerpaaneranic eqqortutuaaneranic oqartartunik meeqqat naapitsinissamut piareer-saruk. Inuusuttut ikinngutimittut ittuunissartik pingaartilluinnartarpaat. Imernissamut tatisineq annertooru-jussuusinnaavoq, naaggaarnissamullu piareersimangikkaanni imernissamut tatineqarnermi akuersiinnar-nissaq ajornannginnerulertarpoq. Allat imertarpata meeqqavit naaggaarnissaq sapernartissinnaavaa. Taamaattumik qanoq ajornannginnerpaamik imernissamik tatineqarnissaq nigorsimaneqarsinnaasoq meeq-qallu eqqartorsiuk.

Meeqqat malittarisassiuuguk

- Festerneq imigassartornerlu pillugu angajoqqaat allat suleqatigalugit malittarisassiornikkut Inuusuttut ileqqorineqartussanic assigiinnik piunaffigineqarnertik ajornannginnerutissavaat

- Meeqqat pisariaqalissappat oqaloqateqarnissamik, qanilaarnermik ikiuinermillu neqeroorfigineratigut

- Meeqqat "angerlarfissamik", angerlaanneqarnissamik il.il.

isumaqatigiissuteqarfigineratigut. Isumaqatigiissutit amerlanertigut malittarisassianit nakkutilliinermillu pitsaanerusarput.

---

## INATSISIT

18-it inorlugit ukioqaraanni niuertarfinni imigassarsisinnaaneq inerteqqutaavoq. Niuertarfiit aamma angajoqqaat akisussaaffigaat inatsisit unioqqutinneqannginnissaat.

---

## ATTAVISSAT

[www.allorfik.gl](http://www.allorfik.gl)

[Peqqinnissaqarfik](#)

---

## ILANNGUTASSIANUT ALLANUT INNERSUUSSUTIT

Qitornat imigassamut, tupamut aamma ikiaroomniutinut illersoruk

---

## ALLAASERISAT ATTUUMASSUTILLIT

Pujortartarneq - meeqqat inuusuttullu

Imigassaq - naliginnaasumik innersuussutit

## NUTAARSIASSAQ

24. septembarip 2021

# Tasiilami kigutigissarnermut ullorititaq

COVID-19 pissutigalugu Nuna tamakkerlugu kigutigissarnermut ullorititaq 2020-imi taamaatiinnarneqareerluni 2021-imilu kinguartinneqareerluni septembarip ulluisa arfineq pingajuanni kiisami ingerlanneqarsinnaanngorpoq.

## NUUMMI PEQQINNISSAQARFIMMI COVID-19-IMUT TUNNGATILLUGU PERIUSISSIAQ NUTAAQ

24. septembarip 2021

# Nuummi Peqqinnissaqarfimmi COVID-19-imut tunngatillugu periusissiaq nutaaq

Nuummi covid 19-ip tuniluutilertornera pissutigalugu ullumikkumiit Dronning Ingridip Napparsimmavissuani, Peqqissaaviani kugutilerivinnilu atuutilersumik periusissiorpoq.



PEQQIK.GL PILLUGU



ILINNIARTITAANEQ



SULIAQARTUNUT



INFO IN ENGLISH



NUTAARSIASSAT



VIDEREUDDANNELSE



SAQQUMMERSITAT

